

ՍՓՅՈՒՌՔԻ ԿԻՐԱԿՆՕՐՅԱ ԴՊՐՈՑՆԵՐԻ ՍԱՆԵՐԻ ՀԱՎԱՔ ՄԱՅՐ ՀԱՅՐԵՆԻՔՈՒՄ

«Ով իմ անունով մի այսպիսի մանուկ ընդունելու լինի, ի՞նձ կընդունի: Եվ ով ինձ հավատացող այս փոքրիկներից մեկին զայթակդեցնի, լավ կլինի, որ իր պարանոցից երկամաքար կախի և ընկղմվի ծովի խորքը»:

(ՄԱՏԹ. ԺԸ 5-6)

Հիսուս՝ մարդկային հոգին ճանաչող մեծ Վարդապետը, մանկան մեջ տեսավ սրբությունը, մանկան ամենի խորհուրդը և գնահատեց ու սիրեց նրան, նաև պատվիրեց գուրգուրանքով շրջապատել մանուկներին, նվիրվել նրանց:

Հետագա դարերում հավատավոր մարդիկ հետևեցին Տիրոջ պատգամին, Նրա իսկ օրինակով ի մի քերեցին մանուկների՝ տալով նրանց հոգևոր, կրոնա-քարոյական դաստիարակություն: Այսպես գրվեց Կիրակնօրյա դպրոցների պատմությունը, որի օրինակելի հետևողները այն ուսուցիչ-ուսուցչուհիներն են, ովքեր իրենց նվիրումն ու սերը չեն խնայում՝ մանուկ հոգիներում սերմանելու Ավետարանի սերմերը, հաստատելու Աստվածորդու պատգամ-հորդորները: Իսկ նպատակին հասնելու ուղիները բազմազան են: Նպատակամետ ճիշտ այդպիսի մի ուղի էր նաև այս ամառ, օգոստոսի 29-ից սեպտեմբերի 18-ը, Հայաստան աշխարհի գեղատեսիլ անկյուններից մեկում՝ Ծաղկաձորում գումարված Սփյուռքի կիրակնօրյա դպրոցների աշակերտաց անդրանիկ հավաքը, որին մասնակցում էին թվով 23 սաներ Սիրիայից և Լիբանանից: 12 մանկավարժներ էին ուղեկցում երեխաներին, որոնց թիվը համալրվեց նաև Մայր Հայրենիքի Կիրակնօրյա դպրոցների ուսուցչական կազմերից ընտրված անդամներով:

Առանձնակի սիրով պետք է նշել Կիրակնօրյաների խորհրդի անդամներ արժանապատիվ Տ. Գուրգեն քհն. Հովհաննիսյանին, Աբել սրկ. Աբելյանին, պարոն Աբրահամ Թաճյանին, ՀԵԿԴՕՄ-ի ներկայացուցիչ տիկին Էլիզ Մահլեպճյանին և այն անձանց, ովքեր իրենց տքնաջան աշխատանքով կարողացան հայթայթել համապատասխան գումարը՝ սաների անդրանիկ համաժողովը կազմակերպելու և հենց Հայաստան աշխարհում անցկացնելու համար, քանի որ, իրենց իսկ բառերով ասած, որքան էլ սաներին պատմես Հայրենիքի ու նրա հերոս նահատակների, բարձրաբերձ լեռների ու խորունկ ձորերի, զգլխիչ մեղեդիների ու քաջության ոգի արթնացնող երգերի մասին, միևնույն է, նրանք միայն իրենց տեսածով են ապրում, ոգևորվում և օրինակ առնում:

Եվ ինչպես միշտ, այս անգամ ևս թե՛ ուսուցիչների և թե՛ սաների կողքին էր կիրակնօրյա դպրոցների վարիչ-տնօրեն գերաշնորհ Տ. Սեպուհեան։ Սարգիսյանը, ով իր հոգևոր ծառայության ողջ տարիները նվիրել է այս շնորհաշատ և աստվածահաճ գործին։

Սրբազան Հայրը յուրահատուկ սիրով հանձն առավ մանուկների այս պատասխանատու միջոցառման կազմակերպման ու անկացման դժվարին աշխատանքները։

Արտահայտելով իր սերը հանդեպ մանուկները, ինչպես նաև հանդեպ կիրակնօրյա դպրոցների գործունեությունն ընդհանրապես, Սրբազան Հայրն ասաց, որ ինքը երբևէ չի մտածել իրեն վստահված գործի կարևոր և անկարևոր կողմերի մասին, ոչ էլ հոգնել է այդ դժվարին առաքելության ճանապարհին։ Այնն մի ուսումնական վերամուտ կամ տարեշրջանի փակում իր առանձնահատկությունն է ունեցել և հետաքրքիր հիշողություններ թողել կյանքում։

Չի ընկրկել դժվարություններից, փորձել է անկարելին դարձնել կարելի, որն էլ իր նկատմամբ ձևավորված սիրո ու հարգանքի հիմնական պատճառն է։

Անցնող քսան օրերի ընթացքում աշակերտական հավաքի մասնակիցներն ապրեցին հետաքրքիր շատ պահեր։

Հայոց հիմնավորք երկրի գեղատեսիլ տարբեր վայրերում անկրկնելի քերկրանքով վերակերպավորեցին իրենց ուսուցիչ-ուսուցչուհիներից լսածը, դասաժամերին ուսանածը։ Գառնիի հեթանոսական տաճարում մեկ անգամ ևս լսեցին հեթանոս նախնիների և չաստվածների մասին, Գեղարդում զարմանքը միախառնվեց գեղեցկության ապրումին, խոր վիրապում Թորգոմա տոհմի Լուսավորիչ նահապետից հոգու անմար կանթեղ խնդրեցին, Էջմիածնում ծնրադրեցին Իջման Սուրբ Սեղանի առջև և իրենց հավատի մոմը վառեցին, Օշականում Մեծ Սուրբից աղերսեցին մտքի պայծառություն, Հաղարծինն իր անկրկնելիությամբ հմայեց նրանց, Մատենադարանի ձեռագիր մատյաններում նրանք տեսան ոչ միայն հարազատ ժողովրդի անցյալը, այլև ներկան ու լուսաշող գալիքը։

Ծիծեռնակաբերդի բարձունքից սփյուռքահայ երեխաները զմայլվեցին Երևանի գեղեցկությամբ, Արարատի վեհությամբ, Ամմեղ գոհերի հուշահամալիրում և Եռաբլուրում ներկա գտնվեցին հոգեհամզաստյան արարողությանը, դիտեցին նաև Եղեռնի գոհերի թանգարանի ցուցադրանքը։

Կապուտալյա Սեանում նրանք խայտացին ջրերի ծիծղուն ալիքների հետ, իսկ Ս. Աստվածածնի վերափոխման տոմի օրը Հրազդանի եկեղեցում մատուցված Սուրբ և անմահ Պատարագի ժամանակ ստացան Սուրբ Հաղորդություն։

Երեխաների առօրյան հագեցած էր նաև ուսանելի դասաժամերով, շարականների ուսուցմամբ, գրական երեկոներով։

Վեջին օրը Ծաղկածորում երեխաների համար առավել ուշագրավ էր

ու հետաքրքիր: Օրվա առաջին կեսը նշանավորվեց երեխաների ձեռքի աշխատանքների և նկարների ցուցահանդեսով, որի բացմանը ներկա էին մեծաթիվ հյուրեր: Ցուցադրամբում հավաքի մասնակիցների ապրումներն էին, Հայաստան աշխարհից ստացած իրենց տպավորությունները, մանկական անկեղծ ու մաքուր զգացումների արտահայտությունը:

Կտրելով ցուցահանդեսի մուտքը երիզող ժապավենը, Սեպուհ Սրբազանն առանձնակի կարևորեց կիրակնօրյա դպրոցի ուսուցչի դերը մանուկ սերնդի ձևավորման այնքան դժվարին գործընթացում՝ ի մասնավորի նշելով:

«Իրական ու վավերական ուսուցիչն նա է, որ գիտե իր կյանքը վերածել հարատև ուխտագնացության դեպի նպատակակետը, որովհետև էականը այս աշխարհին մեջ ոչ թե ուսուցիչին ուր հասնիմ է, այլ ինչի ձգտիմ է: Ըշմարտության ձգտիլը ուսուցիչը արթուն կպահե, ավելիմ, զինք կմղե հարատևորեն որոնումի, փնտրտուքի՝ հանուն այդ նույն ճշմարտության:

Կասկած չկա, որ ուսուցչությունը վեճ առաքելգ է, ավելի ճիշտը՝ նվիրական կոչում է, որպեսզի ուսուցիչը ինք կարենա իրողապես ինքզինք ըլլալ, մանավանդ քրիստոնյա ուսուցիչը, որ կոչված է մահ Ավետարանին ճշմարտությունները փոխանցելու իր մեաներուն, հարկ է, որ նախ ինք ապրի և ապա ունենա ներշնչյալ կյանք մը, այսինքն այնպիսի կյանք մը, որուն ակունքները արմատացած ըլլան Աստվածային ճշմարտությանց խորը, որպեսզի կարենա իրողապես ներշնչանք ըլլալ: Ի վերջո, ուսուցիչը որոնող, փնտրտուք ընող և քննող էակ է, մեկ խոսքով իր կյանքը դեպի իր նպատակակետը, հարացույցը գնացք է և այդ գնացքի ընթացքին իր գերագույն ճիգը պիտի ընե լավագույնը իրագործելու համար, ի վերջո պետք չէ մոռանալ, որ ասիկա պիտի ըլլա Աստուծո նայվածքին ներքև: Երանի այն ուսուցչին, որ կապրի գիտակցությունը իր Աստուծո նայվածքին ներքև ըլլալու իրողությամբ»:

Աշակերտական հավաքի վերջին օրը սահմանափակվեց երեկոյան խորույկահանդեսով: Մանկական ուրախ երգն ու պարը, քեփականացված հատվածները, ասմունքը մեծ բավականություն պարգևեցին քոլոր ներկաներին:

Ավարտվեց անդրանիկ հավաքը, երեխաները հրաժեշտ տվեցին Հայրենիքին՝ իրենց հետ տանելով հետաքրքիր առօրյայի, գեղատեսիլ վայրերի ու հայրենի քնության հարուստ տպավորությունները:

ՄԱՐԻԱՄ ՎԱՐԴԱՆՅԱՆ